



CARLOS BISLIP'S JAZZ

EXPO
04/30/2025

KULTURE CAFE, SAN NICOLAAS
DOORS OPEN 6PM



20 years
Anniversary



CARLOS BISLIP
& FRIENDS



Celebrando 20 aniversario

Carlos Bislip su JAZZ Expo t'ey atrobe pa celebra JAM cu concierto gratis na Kulture Café

E momento ey di aña a yega caminda, cu gran emocion, ta invita tur amante di musica pa un anochi special di celebracion musical y union cultural. E aña aki Carlos Bislip's JAZZ Expo ta celebrando su di 20 aniversario. E concierto tan gusta aki lo tuma luga riba dia 30 di april proximo na Kulture Café, San Nicolas. E concierto plania pa cuminsa 6:30 pm di atardi anti lo termina 11:00. Manera semper, entrada ta completamente gratis y tur hende ta bon bini.

E programa pa e edicion di 2025 lo cuminsa cu e presentacion di Caribbean Combo – cu ta un ensemble di Scol di Musica Rufo Wever bow di direccion di Carlos Bislip. Sr Bislip a comenta cu el a cuminsa cu e ensemble aki na aña 2011 anto cu atraves di e añanan varios hoben musico a ricibi nan formacion y experiencia musical siendo parti di e ensemble aki. Varios di nan a bira semi profesional cu a toca den e diferente festivalnan nacional aki na Aruba. Tambe algun di nan a bai studia musica na Hulanda y na Merca. Pa cu e celebracion di JAM y International Jazz Day e aña aki, Caribbean Combo lo tin tres musico invita.

Entre nan ta Roderick Albus cu no ta un musico desconoci aki na Aruba door cu e ta e trompetista di e grupo musical Buleria. E otro musico invita ta Anthony Lubbers cu ta un hoben saxofonista profesional cu gradua for di Fontys Academy of the Arts cu recientemente a bin residencia na Aruba. Finalmente e di tres musico invita ta e incomparable Freddie Franken, e Arubiano aki tin un trayectoria bastante extenso.

Freddie a biba su bida profesional predominantemente na Chicago unda el a traha como musico profesional y tambe como profesor di Jazz Guitar, improvisacion y tambe director di ensemble na e prestigioso Olivet Nazarene University. Edicion aki di Caribbean Combo ta conta cu algun hoben bastante talentoso y yen di energia. E musiconan di Caribbean Combo ta Emanuel Gonzalez (bass), Christian Bonarriba (Piano), Renzo Diikhuizen (Congas), Derren Grant (Timbal), Sebastian Sanchez (Bongo y Percussion Menor) Elijah Wester (Drumset)

E segundo acto di e anochi lo ta e segmento di Jazz Vocals. Carlos ta continua di elabora cu pa edicion aki e segmento di Vocals lo tin 5 cantante, anto cu lo tin 2 cara nobo den e line up. E vocalistanan cu a yega di participa algun biaha caba ta entre otro Solaica Clarinda, Tabitha Heemstad-Smith y



Osdelly Wester. E dos hoben vocalistanan ta Soriane Leonard and Reanne Ras. E Banda cu lo acompaña e vocalistanan ta consisti di Johnny Scharbaay, Pierre Koolman, Freddie Franken anto cu Ivan Quandus como director musical.



E tercer acto cu lo presentation lo ta Lidrick Solognier y su grupo. Lidrick ta un ex alumno di Carlos cu na aña 2019 a parti pa Hulanda pa studia na Codarts na Rotterdam. Sr Bislip a expresa cu e ta sumamente contento cu e desarojo di Lidrick ambos como musico y tambe como compositor. Carlos a splica cu Lidrick ta uza su raisnan cu ta funda profundamente den e folklore Arubiano como su fuente pa su inspiracion. Carlos a menciona cu Lidrick a studia extensivamente cu Vicente Ras unda el a siña e esencia di e ritmonan di Aruba riba Tambu. “Lidrick a hiba e arte di toca e Tambu di Aruba na un nivel maestral” esaki ta e palabranan di Carlos. Lidrick lo toca composicionnan original anto su grupo ta consisti di algun di e miho musiconan di Aruba cu ta Reno Steba, Kyle Winklaar, Serghio Jansen, Arthur Kelly anto Pearl “Watra” Dumfries.

E ultimo presentacion di e anochi lo ta e grupo di Carlos Bislip cu su amigonan. E biaha aki Carlos lo wordo acompaña pa Ivan Quandus, Angelo Kock, Franklin Granadillo, John Francis Jacobs, Chris Rodulfo anto cu Jamaal Baptiste. Carlos a menciona tambe cu Jamaal Baptiste ta un di varios success stories di e Carlos Bislip’s Jazz Expo. Jamaal ta un di e hobennan cu a toca su prome jazz concert den e Carlos Bislip’s Jazz Expo na aña 2007. Na 2010 Jamaal a parti pa Bloomington Indiana pa bai studia Jazz. Na Indiana University Jamaal a haci su Bachelors Degree den Jazz Studies, su Masters den Jazz studies anto su Doctorado den Ethno Musicologia. Na December di 2024 Jamaal a defende su tesis anto awor Jamaal ta e prome Arubiano cu e titulo di Doctor den musica.

E celebracion ta forma parti di Jazz Appreciation Month (JAM), un iniciativa anual di e Smithsonian Institute na Washington D.C., destina pa honra e legado, historia y influencia di jazz na mundo. Desde 2011, UNESCO a proclama dia 30 di april oficialmente como International Jazz Day, pa rindi homenahe na un di e generonan musical mas universal cu ta traspasa frontera, idioma y cultura.

Na Aruba, JAM tambe a bira un evento anual duna bida danki na Carlos Bislip, kende ta uza e fecha aki pa promove talento local y uni pueblo rond e idioma universal di musica.

E evento ta posibel danki na e colaboracion di varios entidad manera Oficina di Turismo Aruba, Departamento di Cultura Aruba, UNOCA, Setar, Het Cultuurfonds, Aruba Airport Authority, Romar Trading y Vibration PR, entre otro.

Nan ta invita bo pa bin gosa di un anochi di ritmo, energia y pasion. No perde e oportunidad pa forma parti di e celebracion aki. Pa mas informacion, sigui Carlos Bislip, Kulture Café of Vibration PR riba Facebook.

Corda cu e actividad ta completamente gratis. Lo tin un



cantidad limita di stoel, dus bin trempan pa segura bo luga. Tambe bo mag di bin cu mesun stoel cu mesa y bo ice jug cu bo drinks etc. etc.